

Headline	Hentikan stigma, tanggapan buruk		
MediaTitle	Harian Metro		
Date	12 Sep 2013	Color	Black/white
Section	Setempat	Circulation	324,097
Page No	41	Readership	1,981,000
Language	Malay	ArticleSize	81 cm <sup>2</sup>
Journalist	N/A	AdValue	RM 1,663
Frequency	Daily	PR Value	RM 4,989



# Hentikan stigma, tanggapan buruk

**Kuala Lumpur:** Masyarakat perlu menghentikan stigma dan diskriminasi terhadap penghidap HIV supaya mereka dapat turut menikmati peluang dan ruang dalam persekitaran yang lebih kondusif.

Bekas Pengerusi Yayasan Aids Malaysia (MAF) Datin Paduka Marina Mahathir berkata, masyarakat patut menambah pengetahuan yang tepat mengenai HIV, termasuk bagaimana mencegahnya daripada merebak.

“Orang ramai patut mengambil tanggungjawab untuk mengetahui maklumat terkini mengenai HIV dan pihak kerajaan juga perlu membanyakkan lagi program kesedaran mengenai HIV.

“Ini kerana masih ramai yang tidak mengambil berat hal ini. Hakikatnya ramai kanak-kanak yang menghidap HIV perlu diberikan perhatian,” katanya kepada BERNAMA ketika menjadi tetamu khas program ‘Bernama Today’ di Saluran Astro 502, semalam.

Menurut statistik Kementerian Kesihatan, terdapat 94,841 kes HIV yang terkumpul sejak 1986 dengan 2,324 orang (2.4 peratus) adalah individu yang berusia 19 tahun ke bawah.

Statistik pada 2011 pula menunjukkan 120 orang kanak-kanak dan belia berusia 19 tahun ke bawah adalah antara 3,479 penghidap kes baru HIV pada tahun berkenaan.